

雲笈七籤

雲笈七籤卷之三十九

仕九

宋 張君房 輯

明 張 萱 訂

說戒

老君說五戒

老君曰是五戒者持身法之根善男子善女人願樂
善法受持終身不犯是爲清信得經得法永成道真
於是尹喜聞受既已再拜而問何故有五老君曰五
者攝一切惡猶天有五精以攝萬靈地有五行以攝

羣生人有五藏以攝神明戒者防也防其失也失而
不防則三塗盈逸天人虛空是故五也尹喜曰大乎
戒也何故失也老君曰本得無失而得亦無所失本得
無失爲前身過去已得此戒故于今身而無失也而
今身有失者前身無戒或有而違犯故有失耳雖有
失而于今得受持者則見生無失後身復善故旣失
而得亦無所失前頌云世世受大福即此義也尹喜
所問一失而併舉二失荅之是對其後問頓顯前
身此生後身也明人稟道本自無失義見經中

又曰五戒者在天爲五緯天道失戒則見災祥在地
爲五岳地道失戒則百穀不成在數爲五行五數失
戒則水火相薄金木相傷在治爲五帝五帝失戒則

祚天身亡在人爲五藏五藏失戒則性發狂

又曰是五戒於此而順於彼故煞戒者東方木也受生氣尚於長養而人犯煞則肝受其害盜戒者北方水也太陰之精主於閉藏而人爲盜則腎受其殃姪戒者西方金也少陰之質男女真固而人好姪則肺受其沴酒戒者南方火也太陰之氣物以之成而人好酒則心受其毒妄語戒者中央土德而人妄語則脾受其辱五德相資不可虧缺

又曰此五失一則命不成是故不煞者乃至無有煞

心不盜者乃至無有邪取不淫者乃至無有邪念不飲酒者乃至無有勢立不妄語者乃至無有漏泄如是可謂成也

又曰戒中淫酒能生五惡戒者戒惡也世之男女謹淫罹于骨肉上慢下暴毀滅天德沉醉爭訟禍命辱身妄詐欺誑罔有所由六親相盜非但於他煞害衆生利養身口如此等輩見生受業永墜諸苦備加五惡無有休限如有出者當在邊夷短命傷殘夫婦醜惡及不貞廉貧窮凍露在處不安如有財畜爲人所

奪言說不信人所不親意慮憎塞衆所慢輕

老君化胡經十二戒

戒之不飲酒常當莫念醉五聲味相和混沌亂正氣
戒之不食肉心當莫念煞益血有形類元氣所養活
戒之勿罵詈言當禁呪舌罵人爲自罵呪人爲自殺
戒之勿欺詐言當有成契欺人爲自欺華詞爲

戒之勿爲盜見利當莫取所利爲賊罪貪利更相害
戒之勿淫失常當與色絕陰形相感動子命爲夭折
戒之勿慳吝有物無過惜富饒當施惠慳貪後受厄

戒之勿剛強當可自屈折強者必先摧剛者必先缺
戒之勿視聽耳目當常閉遠視令精散極德神潰亂
戒之勿言語其口常當吸語煩則費炁多言則有失
戒之勿恚怒心對當莫發金木水火土五行更相伐
戒之勿淫祀邪鬼能亂真但常存正念道氣自扶身

雲笈七籤卷之三十九

雲笈七籤卷之四十

仕十

宋 張君房 集

明 張 萱 訂

說戒

說百病

老君曰救災解難不如防之爲易療疾治病不如備之爲吉今人見背不務防之而務救之不務備之而務藥之故有君者不能保社稷有身者不能全壽命是以聖人求福於未兆絕禍於未有蓋災生于稍稍

禍起于微微人以小善爲無益故不肯爲以小惡爲無損故不肯改小善不積大德不成小惡不止以成大罪故摘出其要使知其所生焉乃百病者也

喜怒無常是一病

忘義取利是一病

好色壞德是一病

專心係愛是一病

憎欲令死是一病

縱貪蔽過是一病

毀人自譽是一病

擅變自可是一病

輕口喜言是一病

快意逐非是一病

以智輕人是一病

乘權縱橫是一病

非人自是是一病

侮易孤弱是一病

以力勝人是一病

威勢自憊是一病

語欲勝人是一病

貸不念償是一病

曲人自直是一病

以直傷人是一病

惡人自善是一病

喜怒自伐是一病

愚人自賢是一病

以功自與是一病

名人有非是一病

以勞自然是一病

以虛爲實是一病

喜說人過是一病

以富驕人是一病

以貴輕人是一病

以貧妬富是一病

以賤訕貴是一病

讒人求媚是一病

以德自顯是一病

敗人成功是一病

以私亂公是一病

好自掩意是一病

危人自安是一病

陰陽嫉妬是一病

激厲旁悖是一病

多憎少愛是一病

評論是非是一病

推負著人是一病

文拒鉤錫是一病

持人長短是一病

假人自信是一病

施人望報是一病

無施責人是一病

與人追悔是一病

好自然諍是一病

罵詈蟲畜是一病

盡道狀人是一病

毀訾高才是一病

憎人勝已是一病

毒藥醖飲是一病

心不平等是一病

以賢噴噉是一病

追念舊惡是一病

不受諫諭是一病

內疎外親是一病

投書敗人是一病

談愚痴人是一病

煩苛輕躁是一病

撻搖無理是一病

好自作正是一病

多疑少信是一病

笑顛狂人是一病

蹲踞無禮是一病

醜言惡語是一病

輕易老少是一病

惡態醜對是一病

了戾自用是一病

好喜嗜笑是一病

喜禁固人是一病

詭譎諛諂是一病

嗜得懷詐是一病

兩舌無信是一病

乘酒歌橫是一病

罵詈風雨是一病

惡言好殺是一病

教人墮胎是一病

干預人事是一病

孔穴窺視是一病

借不念還是一病

負債逃竊是一病

背向異辭是一病

喜抵捍戾是一病

調戲必固是一病

故迷誤人是一病

採巢破卵是一病

刳胎剖形是一病

水火敗傷是一病

笑盲聾啞是一病

教人嫁娶是一病

教人撻播是一病

教人作惡是一病

舍禍離愛是一病

唱禍道非是一病

見便欲得是一病

強奪人物是一病

老君曰能念除此百病則無災累疾自愈濟度苦厄

子孫蒙祐矣

崇百藥

老君曰古之聖人其於善也無小而不得其於惡也無微而不改而能行之可謂餌藥焉所謂百藥者

體弱性柔是一藥

行寬心和是一藥

動靜有禮是一藥

起居有度是一藥

近德遠色是一藥

除去欲心是一藥

推分引義是一藥

不取非分是一藥

雖憎猶愛是一藥

好相申用是一藥

爲人願福是一藥

救禍濟難是一藥

教化愚蔽是一藥

諫正邪亂是一藥

戒勅童蒙是一藥

開導迷誤是一藥

扶接老幼是一藥

以力助人是一藥

與窮卹寡是一藥

矜貧救厄是一藥

位高下士是一藥

語言謙遜是一藥

恭敬卑微是一藥

不負宿債是一藥

慰慰篤信是一藥

質言端毅是一藥

推直引曲是一藥

不爭是非是一藥

逢侵不鄙是一藥

受辱不怨是一藥

推善隱惡是一藥

推好取醜是一藥

推多取少是一藥

稱難賢良是一藥

見賢自省是一藥

不自彰顯是一藥

推功引苦是一藥

不自代善是一藥

不掩人功是一藥

勞苦不恨是一藥

懷實信厚是一藥

覆蔽陰惡是一藥

富有假乞是一藥

崇進勝已是一藥

安貧不怨是一藥

不自尊大是一藥